



National Agricultural Research Institute

Rebit



NARI TOKTOK
LAB002(P)

January 2002

Sapos yu laikim mo long dispela pepa yu ken rait i kam long adres i stap ananit
long dispela toktok:

The Librarian
National Agricultural Research Institute
Wet Lowlands Mainland Programme
PO Box 1639
LAE 411
Morobe Province
Telephone: (675) 475 1066/475 1033/4751228
Facsimile: (675) 475 1034
Email: nariwll@datec.net.pg

Long PNG i gat tupela kain rebit ol i bin kisim i kam long 1993. Wanpela em ol i kolim olsem Canberra Haf Lop. Kala bilong dispela rebit em bilak, braun na wait. Wanpela yau bilong em i save sanap na narapela yau i save silip go daun. Dispela rebit em gutpela bilong ples i hot olsem long nambis.

Narapela rebit em ol i kolim New Zealand Wait. Dispela rebit em ol i yusim wantaim Canberra Haf Lop long kamapim pikinini.

LUKAUTIM REBIT

Taim yu lukautim rebit em i no save resis wantaim ol manmeri long wankain kaikai na tu isave kisim liklik speis tasol. Na taim yu putim man na meri rebit wantaim, meri rebit bai igat bel na karim ol pikinini insait long wanpela mun tasol. Ol rebit meri i ken karim pikinini eitpela taim long wanpela yia tasol planti taim ol i save karim tripela o fopela taim tasol. Ol rebit i save redi long karim pikinini taim ol i gat 5-pela o 6-pela mun na hevi bilong ol i mas stap olsem 2.5-3.0 kilogram bifo long ol i marit. Long wan wan taim meri rebit i ken karim wanpela igo inap long nainpela pikinini.



Piksa 5. Haus bilong rebit ol mekim antap long giraun stret na nogat pos



Piksa 6. Haus bilong rebit ol mekim antap long pos



Piksa 4. Wanpela famili long ples i sanap arasait long haus rebit bilong ol long baksait

KAIKAIN KAIKAI BILONG REBIT


Ol dispela kain wei bilong lukautim rebit i save gat planti kaikai bilong bus we yu ken givim. Yu ken givim ol rebit bilong yu pipia bilong kumu na kaikai yu gat long haus. Rebit bai i no nap karim gut sapos yu givim ol kumu na lip bilong kaukau, ol narapela lip bilong diwai tasol. Yu mas givim ol kaikai olsem kaukau, poteto, banana o kokonas. Ol bai kamap gut sapos yu givim olsem 20-30 grem kaikai bilong rebit long stoa, wantaim ol kumu long olgeta dei.

PIKININI REBIT

Ol yangpela pikinini i mas dring susu igo inap long faipela o eitpela wik. Long dispela taim hevi bilong olgeta pikinini rebit i save winim hevi bilong mama bilong ol. Ol yangpela rebit i ken gat 1.8-2.0 kilogrem hevi long 3-pela mun na yu ken kisim 900 igo 1000-pela grem mit bilong kaikai long ol.

HAUS BILONG BEIBI REBIT

Yu ken mekim liklik haus o bokis bilong putim beibi rebit long em wantaim diwai na waia. Yusim waia long mekim flo bilong box. Putim mama rebit i go insait long banis o liklik haus bifo long em i karim. Mama rebit bai mekim bet insait long banis wantaim skin gras bilong em yet. Na dispela bet i mas stap drai olgeta taim, taim mama i givim susu long beibi rebit i go inap ol i bikpela.



Piksa 1. Bokis bilong pikinini rebit yu ken mekim long hap hap palang na putim insait long bikpela haus rebit

WEI BILONG KISIM MONI LONG REBIT

Ol sampela manmeri save lukautim rebit long wanem ol i laikim mit, o skin gras bilong ol o long pekpek bilong ol long putim long gaden. Mit bilong rebit i gutpela na igat liklik gris tasol.

Wanpela femili i ken lukautim rebit na mekim bisnis long em. Yu ken prosesim skin bilong rebit na salim long maket long mekim jaket, hat, kava bilong buk o ol rag. Waitpela rebit skin i moa gutpela.



Piksa 2. Ol meri i samapim hanbeg long skin bilong rebit

HAUS BANIS BILONG REBIT

Ol rebit i mas stap insait long banis. Yu ken putim ol insait long waia banis, diwai banis o mambu banis. Bikpela blong banis em olsem 80 cm x 60 cm dip x 50 cm longpela bilong em. Putim ol broila rebit ol yet long wanpela banis na noken bungim wantaim mama rebit taim yu laik mekim ol beibi rebit i go fat bilong kaikai o salim. Putim fopela i go inap long eitpela beibi rebit long wanpela banis. Givim ol gutpela na klinpela wara long olgeta dei.



Piksa 3. Liklik rebit insait long waia banis